

**PEMBERITAHUAN PERTANYAAN DEWAN RAKYAT**

**PERTANYAAN : BERTULIS**

**DARIPADA : PUAN WONG SHU QI [KLUANG ]**

**SOALAN NO. 505**

Minta **MENTERI BELIA DAN SUKAN** menyatakan perbelanjaan mengikut pecahan jenis perbelanjaan, jenis sukan Program Podium, Kita Juara mengikut tahun dari mula hingga mansuhnya program tersebut.

**JAWAPAN**

Tuan Yang Di Pertua,

1. Program Podium telah mula dilaksanakan oleh Institut Sukan Negara (ISN) bermula Februari 2016 setelah YB Menteri Belia dan Sukan pada waktu itu mengumumkan Pelan Transformasi Sukan Negara. Pada fasa pertama pelaksanaannya, program ini melibatkan sebanyak 21 jenis sukan dan 97 orang atlet. Jumlah atlet dan jenis sukan bertambah berdasarkan pencapaian atlet di mana seramai 115 orang atlet berada di bawah program ini sehingga tahun 2018.
2. Berdasarkan kepada laporan kewangan ISN, perbelanjaan program Podium yang merangkumi aspek pengurusan atlet, pengurusan jurulatih, pendedahan latihan dan pertandingan, pemasaran dan peralatan sokongan adalah seperti berikut :

<b>NO</b>	<b>TAHUN</b>	<b>PERBELANJAAN</b>
1.	2016	RM63,741,023.33
2.	2017	RM55,009,463.91
3.	2018	RM53,304,141.54

3. Manakala bagi program Kita Juara 2017 pula, perbelanjaan MSN merangkumi aspek pengurusan atlet, pengurusan jurulatih, pengurusan

pusat latihan, pendedahan latihan dan pertandingan serta program binaan bagi 38 jenis sukan program Kita Juara 2017. Jumlah perbelanjaan adalah seperti berikut:

<b>NO</b>	<b>FASA</b>	<b>PERBELANJAAN</b>
1.	Fasa Pertama - September 2015 hingga September 2016	RM58,225,175.94
2.	Fasa Kedua - Oktober 2016 hingga Mac 2017)	RM30,902,781.51
3.	Fasa Ketiga - April hingga Ogos 2017	RM33,264,713.47

4. Bagi tahun 2018 pula, sejumlah RM17,293,710.61 telah dibelanjakan di bawah Program Kita Juara 2018 bagi 40 jenis sukan.
5. Kementerian melalui Majlis Sukan Negara (MSN) dan Institut Sukan Negara (ISN) telah melakukan penstrukturkan semula program latihan program Podium dan Kita Juara pada bulan November 2018. Program latihan ini memberi penekanan kepada prestasi atlet (*performance based*) berdasarkan sasaran pingat di temasya Sukan Olimpik, Sukan Komanwel, Sukan Asia dan Sukan SEA. Prestasi atlet akan dijadikan penentu kepada imbuhan latihan atlet. Manakala, bagi sukan-sukan yang tidak dipertandingkan di peringkat Olimpik pula, pihak Kementerian akan memberi perhatian kepada kejohanan-kejohanan berprestij di peringkat dunia yang akan menjadi indikator kepada prestasi atlet.
6. Program ini akan melibatkan 503 orang atlet dan 107 orang jurulatih yang kini giat menjalani latihan ke arah temasya Sukan SEA 2019, Filipina serta kelayakan ke Sukan Olimpik Tokyo 2020. Manakala bagi atlet Paralimpik, seramai 142 atlet menjalani latihan sepenuh masa di Pusat Kecemerlangan Paralimpik, Kg. Pandan, Kuala Lumpur di bawah didikan 32 jurulatih.

Sekian, terima kasih.